

三通考輯要

第二函
五十一冊

欽定續文獻通考輯要卷十六

山陰湯壽潛謹先恭輯

王禮考臣等謹按馬考蓋本朱子儀禮經傳通解所謂王朝之禮也理度之世偏安未造未遑請求典物今考遼金創業東方元則肇興朔漠其開國之初朝會燕饗之禮各從本俗自遼太宗克晉金太宗滅遼元世祖混一區宇於是議禮制度數文物聲明燦焉大備而先世忠質之風亦寢失遺意至於改易衣冠盡從漢禮三朝永季如一轍焉伏讀御批通鑑輯覽曰夏收殷尋本不相襲元魏變衣冠不數傳而失遼金元亦然三季之不可法而可戒者如此者明太祖儉德開基其創造儀物因革損益力懲時弊永樂嘉靖之間往往有所增改大約一代之制由簡樸而漸趨於文亦風會使然也今從各史紀傳志表依類分輯又按端臨帝系考附載上尊號冊寶儀注王圻續考皆移入王禮蓋以朝家典禮所在附入帝系於體例無當也茲仍其例載於朝儀之後

朝儀

宋孝宗乾道二年九月詔定四參日分起居班次

四參官謂宰執侍從武臣正任文臣卿監員郎監察御史以上

淳熙七年九月詔自今垂拱殿日參宰臣特免宣名

周密齊東野語曰時帝宣諭宰執云今後常朝宰臣免

宣名他朝會則否且云朕記得老蘇議論贊儀之臣呼名如胥吏非禮貌之意也

甯宗嘉定十二年正月復常朝後殿四參禮

臣僚奏竊見皇帝御正殿或御後殿固可間舉四參官亦有定

日近者每日改常朝爲後殿四參之禮亦多不講正殿後殿四參間免陛下臨朝之日固未嘗輟而外廷不知聖意或謂姑從簡便非所以肅百執事也常朝之禮止於從臣後殿之儀從臣不與四參止及卿郎而乃累月僅或一舉咫尺天威疎簡至此非所以尊君上而勵百辟也伏願嚴常朝後殿四參之禮起羣下肅謹之心彰明時勵精之治從之 沈括筆談曰唐制兩省供奉官東西對立謂之蛾眉班國初供奉班於百官前橫立王溥罷相爲東宮一品班在供奉班之後遂令供奉班依舊分立慶曆中賈安公爲中丞以東西班對拜爲非禮復令橫行至今初敘班分立百官班定乃轉班橫行參罷復分立百官班退乃出 陸游老學菴筆記曰故相入朝以經筵或內祠奉朝請班退亦與從官同捲班而出三公無班若不秉政惟立使相班與貴戚諸人雜立又舊制朝參拜舞而已政和以後增以喏然紹興中余造朝已不復喏矣淳熙末還朝則迎駕起居閣門亦喏喏然未嘗出聲也又紹興中朝參止警折遂拜今閣門習儀先以笏叩額拜拜皆然謂之瞻笏亦不知起於何年也

遼太宗會同三年正月回鶻使乞觀諸國使朝見禮從之四月帝至燕御元和殿行入閣禮五月庚午以端午宴羣臣及諸國使命回鶻燉煌二使作本俗舞傳諸使觀之

金章宗承安四年二月諭有司自三月一日爲始每旬三品至五品官各一人轉對六品亦以次對臺諫勿與有應奏事與轉對官相見無面對者上章亦聽

宣宗貞祐時禮官奏正旦宋遣使來賀不宜輟朝不舉樂服色如常儀至明年正月丁卯諭御史臺曰今日視朝百官既拜之後始聞開封府報衙聲四方多故之秋弛慢如此可乎中丞福興素號謹於官事當一詰之興定三年四月詔朝臣四日一奏事先是貞祐三年四月權參知政事德升言舊制夏至後免朝四日一奏事帝曰此在平時可也方今多故勿以朕勞遂云當免但國事無廢則善矣至是年以時暑乃詔朝臣如此金史禮志章宗承安五年五月帝諭有司曰女直漢人拜數可以相從者酌中議之禮官奏周官九拜一曰稽首拜中至重臣拜君之禮也乞自今凡公服則用漢拜若便服則各用本俗之拜主事陳松曰本朝拜禮其來久矣乃便服之拜也可令公服則朝拜便服則用本朝拜平章政事張萬公謂拜禮各便所習不須改也司空完顏襄曰今諸人雜髮皆從本朝之制宜從本朝拜禮松言是也乃命公裳則朝拜諸色人便服則皆從本朝拜

元太祖元年帝大會諸王羣臣建九旂卽皇帝位於鄂諾河之源是歲實金之泰和六年

太宗元年八月卽皇帝位始立朝儀皇族尊屬皆拜謹按陶宗儀輟耕錄謂帝卽位時耶律楚材爲中書令定策立儀禮皇族尊長皆令就班列拜尊長之有拜禮自此始今以列傳考之耶律楚材於二年拜中書令方定儀制時特告親王察罕台曰王雖兄位則臣也禮當拜王拜則莫敢不拜王乃率皇族及臣僚俱拜帳下焉世祖至元八年三月敕元正聖節朝會凡百官表章外國進獻使臣陛見朝辭禮儀皆隸侍儀司十一月劉秉

忠及王磐圖克坦公履等言元正朝會聖節詔赦及百官宣勅具公服迎拜行禮從之 元史禮志曰先是至元六年正月太保劉秉忠大司農博囉奉旨命趙秉溫史杠訪前代知禮儀者肄習朝儀既而秉忠奏曰一人習之雖知之莫能行也得旨許用十人遂徵儒生周鐸劉允中尙文岳忱關思義侯佑賢蕭琬徐汝嘉從亡金故老烏庫哩居貞完顏復昭完顏從愈葛從亮于伯儀及國子祭酒許衡太常卿徐世隆稽諸古典參以時宜緣情定制而肄習之百日而畢秉忠及翰林太常奏曰今朝儀既定請備執禮員帝命丞相安國大司農博囉擇蒙古宿衛士可習容止者二百餘人肄之期月七年二月奏以丙子觀禮前期一日布綿葛於金帳殿前帝及皇后臨觀於露階禮文樂節悉無遺失 輟耕錄曰至元初尙未遑興建宮闕凡遇稱賀則臣庶皆集帳殿前無尊卑貴賤之辨執法官厭其喧雜揮仗擊逐之去而復來者數次翰林承旨王磐時兼太常卿慮將貽笑外國奏請立朝儀遂如其言今考王磐傳嘗上疏曰舊制天子宮門不應入而入者謂之闕入闕入之罪由第一門至第三門輕重有差宜令宣徽院籍兩省而下百官姓名各依班序聽通事舍人傳呼贊引然後進其越次者殿中司糾察定罰不應入而入者準闕入罪庶朝廷之禮漸可整肅於是儀制始定

文宗至順四年六月

時順帝已即位

爲元統元年中書省言凡朝賀遇雨請便服行禮從之

禮樂志曰元之有國肇

興朔漢朝會燕享之禮多從本俗太祖卽皇帝位始建九旂白旗世祖至元八年始制朝儀而大享宗親錫宴大臣猶用本俗之禮爲多 謹按元史列傳世宗中統元年監察御史魏初上疏曰臣聞君猶天也臣猶地也

尊卑之禮不可不肅方今內有太常有史官有起居注以議典禮記言動外有高麗安南使者入貢以觀中國之儀昨聞錫宴大臣威儀弗謹非所以尊朝廷正上下也疏入帝欣納之此殆至元六年制朝儀所自始歟然順帝時蘇天爵奏曰邇年以來朝儀雖設版位品秩率越班行均爲衣紫從五與正五雜居共曰服緋七品與六品齊列下至八品九品莫不皆然夫既踰越班制遂至行列不端因忘肅敬之心殊失朝儀之禮今後朝賀行禮聽讀詔赦先儘省部院臺正從二品衙門次諸司局院各驗執事散官序列正從班次如有踰越品秩差亂位序者同失儀論以懲不恪語載元典章中此又元統時所以復正朝會班次耳

元正受朝儀 侍儀使并通事舍人分左右引擎執護尉劈正斧中行 輟耕錄曰劈正斧以水蒼玉礪造高二寸有奇廣半之文藻燦然或云自殷時流傳至今者如天子登極正旦天壽節御大明殿會朝時則一人執之立於陛下酒海之前蓋所以正人不正之意 謹按元典章載馬祖常曰百官朝見奏事古有常儀今國家有天下百年典章文物屢復古制惟朝儀之典不講實爲闕遺且夫羣臣奏對之際御史執簡史官執筆縉紳佩玉儼然左右則雖有懷奸利乞官賞者亦不敢公出諸口如蒙開奏命中書省會集文翰衙門官員究講參酌古今之宜或三日二日一常朝則治道昭明生民之福

原八十七

明太祖洪武元年正月卽皇帝位於南郊還御殿受朝賀 謹按洪武實錄二年正月帝以羣臣每遇朝賀呼萬歲者三雖云臣子祝上實亦虛詞論宰臣更之八月禮部尙書崔亮等言舊制朝賀之禮贊禮者既唱三拜

金定編之屬延考重刊 卷十
蹈詔復三唱山呼羣臣拱手加額與樂工軍校齊稱萬歲者三喧譁不齊誠爲失儀近改擬山呼爲贊呼百官應之曰天輔有德曰海宇咸甯曰聖躬萬福甚爲嚴肅從之今以禮志考之大朝儀仍用三呼似後此未爲定制也

十三年九月天壽節始受羣臣朝賀賜宴於謹身殿後以爲常 謹按寶錄先是五年八月庚辰罷天下進賀聖節冬至表箋帝曰正旦爲歲之首天運維新人君法天出治臣下進表稱賀禮亦宜之生辰冬至於文繁矣昔唐太宗謂生辰是父母劬勞之日況朕皇考皇妣早逝每於是日不勝悲悼忍受天下賀乎自是每聖節日齋居素食不受朝賀至是年七月韓國公李善長等累疏上請然後許之顧炎武日知錄謂自是雖歲以爲常而不受獻不賦詩不賜醺不齋醮則帝所云勉從中制者也

二十四年四月定常朝侍班官及百官入朝次第 東則大都察院堂上官十三道掌印御史通政司大理寺太常寺太僕寺應天府翰林院春坊光祿寺欽天監尙寶寺太醫院五軍斷事及京縣官西則五軍都督錦衣衛指揮各衛掌印指揮給事中中書舍人爲侍班官又令禮部置百官朝牌大書品級列丹墀左右木欄上依序立并凡入殿必履鞅再入朝次第令朝參將軍先入近侍次之公侯駙馬伯又次之五府六部又次之應天府及在京雜職官員又次之

成祖永樂四年正月初御午朝 初令內閣官侍朝立金臺東錦衣衛在西後移御道東西對立至是諭近侍

及六部官早朝多四方所奏事午後事簡君臣之間得從容陳論自今有事當商確者皆於晚朝

七年七月以北巡至北京御奉天殿受朝賀十月以天寒謂行在禮部曰北京冬氣嚴凝羣臣早朝奏事立久不勝今後朝畢可奏事於右順門內便殿

宣宗宣德十年正月

時英宗已即位

始罷午朝

時閣臣楊士奇楊溥楊榮以帝幼沖初卽位罷午朝又創制每日早

朝止許言事八件前一日先以副本詣闕下豫以各事處分陳上遇奏止依所陳傳旨而已後遂爲定制

景帝景泰二年八月復午朝

憲宗成化二十一年六月詔盛暑祁寒廷臣所奏毋得過五事

孝宗弘治十年正月召大學士劉健李東陽謝遷於文華殿議庶政後以爲常 謹按劉若愚燕史建極殿居

中向後高踞三纏白玉石欄杆之上者雲臺門也兩旁向後者東曰後左門西曰後右門卽雲臺左右門亦名

曰平臺凡召對閣臣等官或於平臺卽後左門也又劉健傳是年四月大同告警兵部請甄別京營帝乃召健

及東陽遷至平臺面議去留焉

武宗正德十二年正月郊遂獵於南海子夜中還御奉天殿受朝賀八月丙辰至自昌平戊午夜視朝 謹按

實錄九年正月慶成宴帝至暮始出御殿文武羣臣及天下朝覲官四夷朝貢使席前皆設燭前此未有也

十六年三月慈聖皇太后命迎興獻王世子於興邸

卽世宗也

四月卽皇帝位

興獻王世子於四月癸未發安陸

癸卯至京師止於郊外禮官具儀請如皇太子卽位禮帝顧長史袁宗舉曰遺詔以我嗣皇帝位非皇子也楊廷和等請如禮臣所具儀由東安門入居文華殿擇日登極不允會皇太后趣羣臣上箋勸進乃卽郊外受箋是日日中入自大明門謁武宗几延朝皇太后出御奉天殿卽位

世宗嘉靖二十九年八月癸未始御奉天殿戒諭羣臣 謹按正德以前列帝無日不見羣臣世宗中歲躬修元默罕見臣工惟二三大臣入直無逸日在左右是年御殿亦非常典也

穆宗隆慶元年六月以霖雨修省素服避殿御皇極門視事 謹按實錄時通政司言舊例自正旦至二十日

以節假免奏事封本茲值御門聽政勵精萬幾之始請封奏如常從之

初十日丁卯賜百官上元節假十日諸司仍奏事

神宗萬曆三年二月始命日講官分直記注起居纂輯章奏臨朝侍班 常朝日記注起居官四人列於東班給事中上稍前以便觀聽午朝則列於御座西稍南

十七年三月免升授官面謝 自是臨御遂簡深居不出者二十年雖廷臣上疏奏請竟付不報

熹宗天啟元年二月言官請復當朝口奏及召對之典從之

莊烈帝崇禎元年八月詔非盛暑祁寒日御文華殿與輔臣議政 十二年正月朔以時事多艱却廷臣賀

春明夢餘錄曰十五年七月中值常朝臨期傳免閣臣周延儒陳演蔣德璟黃景昉吳甡具揭進諫帝手勅褒嘉聞十一月復詔二祖舊制每日常朝見羣臣裁決政事今率循成憲除門朝照例應免日期傳免外餘每日

視朝畢勳戚文武諸司等官有司奏事者赴弘政門報名候召內外官員敢有竊蔽阻當者定以奸欺論斬

大朝儀。錦衣衛設將軍於丹陛。陸容菴國雜記曰本朝將軍之名不一職方司職掌收充將軍蓋選軍民

中之長軀偉貌者以充朝儀耳今謂之大漢將軍優旃所稱樗櫟郎疑卽此凡大朝會若番使入貢天子御正

殿大漢將軍著節金介冑持金爪鐵鉞刀劍列丹陛上常朝著明鐵介冑列門楹間其次等者御道左右及文

武官班後相向握刀布列凡變輿出入扈從以行宿衛巡警之事以侯伯都督係國戚者統之其常朝宿衛各

以番上謂之正直有大事無番上謂之貼直正直者金牌相傳懸掛貼直者尙寶司奏而給發事畢復納之

皇太子親王朝儀 明會典曰天子與親王雖有長幼之分在朝廷必講君臣之禮蓋天子之位卽祖宗之位

祖宗所執大圭於上鑲字題曰奉天法祖世世相傳凡親王來朝雖長於天子者天子執相傳之圭以受禮蓋

見此圭如見祖考也凡諸王來朝先常服見天子三叩頭不拜奉先殿祭畢不拘何殿樓閣門下天子執圭王

冕服行五拜三叩頭禮次見東宮行四拜禮如尊長東宮答拜若過大宴會於便殿筵宴敘家人禮羣臣大宴

會中王並不入席又洪武初令親王每歲朝覲不得一時同至一王還國無虞信報別王方聽來朝不拘歲月

自長至幼以適先至適者朝畢方及庶者亦分長幼而至周而後始毋失其序其諸王居邊者無警則依期來

朝有警從便不拘朝期 傳維麟明書曰天子伯叔五十不朝兄弟孫姪六十不朝俱令世子代之

上尊號徽號

原八十八

明上尊號徽號儀 明制天子登極奉母后或母妃爲皇太后則上尊號其後或以慶典推崇皇太后則加二字或四字爲徽號世宗時上兩宮皇太后增至八字上徽號致詞而上尊號則進寶冊上尊號自宣宗登極尊太皇太后始

冊立

冊公主儀 洪武九年七月命使冊公主設冊案於乾清宮御座東南冊用銀字鍍金皇帝皇后升御座遣使捧冊傳制使者至華蓋殿公主拜受其儀略與冊太子妃同凡皇姑曰太長公主皇姊妹曰長公主皇女曰公主親王女曰郡主郡王女曰縣主孫女曰郡君曾孫女曰縣君元孫女曰鄉君郡主以下受誥封不冊命

公主下嫁

公主婚禮 初洪武九年太祖以太師李善長之子祺爲駙馬都尉尙臨安公主先期告奉先殿下嫁前二日命使冊公主冊後次日謁奉先殿又定駙馬受誥儀吏部官捧誥命置龍亭至太師府駙馬朝服拜受次日善長及駙馬謝恩後十日始請婚期二十六年稍更儀注然儀注雖存其拜舅姑及公主駙馬相向拜之禮終明之世實未嘗行也弘治二年冊封仁和長公主重定婚禮入府公主駙馬同拜天地行八拜禮堂內設公主座於東西向駙馬東向座餘如前儀嘉靖二年工科給事中安磐等言駙馬見公主行四拜禮公主坐受二拜雖貴本殊而夫婦分定於禮不安不聽愍帝崇禎元年教習駙馬主事陳鍾盛言臣教習駙馬發永固駙馬黎

明於府門外月臺四拜云至三月後則上堂上門上影壁行禮如前始視膳於公主前公主飲食於上駙馬侍立於旁過此方議成婚駙馬饋菓餽書臣公主答禮書賜皆大失禮夫既合昏則儼然夫婦安有跪拜數月稱臣侍膳然後成婚者會典行四拜於合昏之前明合昏後無拜禮也以天子館甥下同隸役豈所以尊朝廷帝是其言令永固擇日成婚

原八十九

巡狩

謹按馬考所載巡狩孝宗以後無聞焉王圻續考載甯宗嘉定七年四月幸太乙宮明慶寺禱雨

理宗景定四年車駕幸太乙宮赴座官賜醴饗花有太學生劉黻諫游幸事今以正史考之禮志巡幸亦至紹興三十二年而止餘無可見若帝紀甯宗幸太乙宮係嘉定元年閏四月非七年四月也若遼史營衛志出有行營謂之巴納王圻以冬巴納在廣平淀屬巡狩春在鴨子河濼夏在吐兒山秋在伏虎林屬田獵其實廣平淀亦有校獵講武事不得截然分屬也史稱遼國盡有大漠浸包長城之境秋冬遼寒春夏避暑隨水草就畋漁歲以爲常各有行在又稱建有五京歲時巡幸轉徙隨時故創立游幸表紀之今若據表以書則重見疊出不可勝載且前史別之爲游幸則固與古巡狩異矣

遼太祖七年六月登都聲山撫其先帝舊汗遺跡徘徊顧瞻而興歎焉八月幸龍眉宮

帝取天梯臺國博覽二山之勢於葦淞射金鵝

箭以識之名龍眉宮後神冊三年築都城於其地即臨潢府

九月發自西樓

遼有四樓在上京者曰西樓木葉山曰南樓龍化州曰東樓唐州曰北樓歲時遊獵常在四樓間

十二月祠木

葉山

在遼陽有拜山禮爲祠木葉山之儀

還次扎固山省風俗見高年議朝政定吉凶儀十二月燔柴於蓮花濼

天贊三年八月西征次古單于國祭阿勒坦伊德寶山以鹿鹿祭九月次伊德寶山以青牛白馬祭天地

太宗天顯四年正月如昭陽閣約尼氏戶籍

氏有九帳係約尼九汗宮分

十年六月幸頻布里淀十一月幸弘福寺

見觀音畫

像顧左右曰昔與父母兄弟聚觀於此歲時未幾今我獨來悲歎不已乃自製文題於壁以極追感之意

聖宗太平四年正月如鴨子河

二月詔改鴨子河爲混同江塔魯河爲長春河

五年九月駐蹕南京

是歲燕民以年穀豐熟車駕臨幸爭以土物來獻帝禮高年惠

鰥寡賜哺飲至夕六街燈火如晝士庶嬉遊帝亦微行觀之

四時巡狩

契丹大小內外臣僚并應役次人及漢人宣徽院所管百司皆從漢人樞密院中書省惟宰相一

人樞密院都副承旨二人令書十人中書令史一人御史臺大理寺選擇一人扈從每歲正月上旬車駕啟行宰相以下還於中京居守行遣漢人一切公事除拜官僚止行堂帖權差俟會議行在所取旨出給詔敕文官縣令錄事以下更不奏聞聽中書銓選武官須奏聞五月納涼行在所南北巨僚會議十月坐冬行在所亦如之謹按營衛志四時巡狩卽列於巴納之後是與田獵爲一事也但猶可見巡狩之制

金熙宗天眷五年二月次濟州春水

時右諫議大夫程案上疏謂古者天子皆有巡狩無非事者或省察風

俗或審理冤獄或問民疾苦以布宣德澤國家肇興誠恐郡國新民逐末棄本習舊染之污奢侈詐僞或有不明之獄僭濫之刑或力役無時四民失業今變輅省方將憲育行事願委之長貳整正風俗或置旆以申寬枉或遣使郡國問民無告皆古巡狩之事如此則和氣通天下不平可坐而待也帝嘉納之

海陵天德四年二月如燕京 謹按帝紀及地理志先是天眷元年八月以京師爲上京府曰會稽舊上京爲北京天德三年四月詔遷都燕京至是改元改燕京爲中都府曰大興汴京爲南京中京爲北京云

正隆六年六月次南京近郊 是年正月將如南京命參知政事李通諭宋使徐度等曰昔從梁王軍樂南京

風土常欲巡幸今營繕將畢功期以二月末先往河南帝王巡狩自古有之以淮右多隙地暫欲校獵其間從

兵不踰萬人況朕祖宗陵廟在此安能久於彼乎汝等歸告汝主令有司宣諭朕意使淮南之民無懷疑懼

世宗大定四年正月如安州春水

大雪詔扈從人舍民家者人日支錢一百與其主

十八年正月如春水二月次華港尋還宮

帝巡幸所

至必請官吏臧否以玉田簿舒穆魯查爲能授本縣令

二十四年五月帝幸上京

海陵貞元二年遷都於燕創上京之號止居於光興宮朝謁於慶元宮宴於皇武殿

會稽府大定十三年七月復稱上京

帝謂宗戚曰朕思故鄉積有日矣今既至此可極歡飲君臣同之

謹按金史路布達傳帝將幸上京大理寺直路布達上書諫謂人君以四海爲家豈獨舊邦是思不報及將發上京帝謂宰臣曰上京風物朕自樂之每奏還都輒用感愴祖宗舊邦不

忍捨去萬歲之後當置朕於太祖之側卿等無忘朕言迨宗室戚屬奉辭又謂朕久思故鄉甚欲留一二歲特

以京師天下根本不能久於此耳蓋帝之用意並非在於田遊也

二十七年四月如金蓮川九月朔還都 帝嘗欲幸金蓮川有司具辦薛王府掾梁襄上疏曰金蓮川在重山

之北自古極邊荒棄之壤也氣候特與上京中都不同尤非聖躬將攝之所凡奉養之具無不遠勞飛輓其費

之北自古極邊荒棄之壤也氣候特與上京中都不同尤非聖躬將攝之所凡奉養之具無不遠勞飛輓其費

數倍至於頓舍之處軍騎闕塞主客不分攘奪蹂躪未易禁止輿臺皂隸不免困踣一夫致疾染及衆人天傷無辜何異刃殺秋抄將歸人疲馬弱裹糧已空褚衣已敝猶且達幸松林以從畋獵設風暴塵漲宿霧四塞以致翠華有曙陵之避襄城之迷百官狼狽於道路衛士參錯於隊伍當此甯無戒悔乎所次之宮殿宇周垣惟用氈布押宿之官上番之士驅馳饑渴已不勝倦更使徹曙巡警露坐不眠何以克堪又行幸所過山徑阻修林谷晦靄上有懸崖下多深壑垂堂之戒不可不思且燕京之涼非濟南之比陛下牧濟南日每遇炎蒸不離府署今九重之內宴安穆清何暑可到議者謂陛下北幸久矣每歲隨駕大小歌舞而歸今茲再出甯有遽不可者夫事知其不可猶冒爲之則有後患必矣或又謂往年遼國春水秋山冬夏巴納舊人猶喜談之陛下效之耳臣愚以爲三代之政今有不可行者況遼之過舉哉且遼之基業根本在山北之臨潢其所遊不過臨潢之旁亦無重山之隔本朝皇業根本在山南之燕豈可捨燕而之山北乎或又謂前世守文之主生長深宮畏見風日陛下監其如此不憚勤身達幸金蓮至於松漠名爲坐夏打圍實欲習勞講武臣愚以爲事貴適中今過防驕惰之患先蹈萬有一危之途何異無病而服藥也乞發如綸之旨回北轅之車塞雞鳴之路安處中都不復北幸則宗社無疆之休天下莫大之願也世宗納之遂爲罷行謹按史書世宗幸金蓮川者凡七考地理志北京路卽海古之地金之舊土阿勒楚喀水發源於此國言金曰阿勒楚喀故名金源建國之號本此其水又有混同江來流河宋瓦江鴨子河若金蓮川則在桓州屬西京路世宗改和爾和東川名曰達者連也取

金枝玉葉相連之義其地有涼陘扎實白灤景明宮揚武殿在焉疏中固言其地與上京中都氣候不同則金蓮之非上京明矣且世宗幸上京爲後世巡遊盛典與漢高祖過沛光武幸南陽並光史冊初無罷行之事王圻略而不載乃與諫幸金蓮牽連書之何未詳考耶

章宗明昌五年四月幸景明宮五月次烏蘇薩巴六月如冰井如扎實八月至自景明宮先是四年三月將幸景明宮時民饑不可行御史中丞董師中等上書切諫謂勞民傷財蓋其小者今邊鄙不馴反側無定必里克巴噶食暴強悍深爲可慮何爲冒不測之悔哉不報越二日師中等又上疏謂近年水旱爲沴今方春東作亟遣有司修建行宮事屬不急西北二京臨潢諸郡比歲不登加以民有養馬策軍挑壕之役財力大困米價甚貴若扈從至彼又必增價恐饑餓之徒將必復有如曩歲殺太尉馬毀太府瓜果出忿怨言起而爲亂者不可畏哉左補闕許安仁右拾遺路鐸亦皆上書諫謂漢唐雖有甘泉九成避暑之行然皆去京師不遠非如金蓮千里之外鄰沙漠隔關嶺萬一有警何以應變殊可慮也是日帝御後閣召師中等賜對仍諭輔臣曰朕欲巡幸山後無他不禁暑熱故也民間缺食處甚多朕初不盡知既已知之暑雖可畏其忍重民之困哉遂罷幸承安元年五月朔觀稼於近郊因閱區田謹按帝紀承安二年五月如泰和宮諭有司曰金井巴納不過二三日留止一涼夏足矣若加修治徒費人力其藩籬不急之處用園幕可也更泰和宮曰慶霄長樂川曰雲龍又敕御史臺京師拜廟及巡幸所過州縣止令灑掃不許以黃土覆道違者糾之

元世祖中統元年十月車駕駐錫衰之地

命給官錢雇在京囊駝運米萬石輸行在所

四年二月車駕幸開平

詔北京運米五千石赴開平其車牛之費

並從官給升開平府爲上都

八月至自上都

自後屢臨幸之

葉子奇草木子曰世祖以大興府爲大都開平府爲上都每年四月

迺北草青則駕幸上都以避暑頒賜於其宗戚馬亦就水草八月草將枯則駕回大都自後歲以爲常惟每歲往來於兩都間他無巡狩之事山岳河海惟遣使致祭別無封禪繫縛之禮震耀古今然亦莫掩其盛也

成宗元貞元年二月車駕幸上都

時監察御史崔敬諫巡幸上都宜御內殿其略曰世祖以上都爲清暑之地歲常行幸闕有大安殿有鴻禧睿思所以保養聖躬適起居之宜存畏敬之心若實喇鄂爾多斯乃先皇所以備宴游非常時臨御之所今方以孝治天下屢降德音祇行宗廟親祀之禮雖動植無知罔不歡悅而國家多故天道變更廣大駕還大內居深宮嚴宿衛與宰臣謀治道萬幾之暇則命經筵進講究古今盛衰之由緝熙聖學乃宗社之福也

武宗至大四年

時仁宗已即位

閏七月車駕如大都

先是元年三月幸上都五月以賊王及番僧從觀者途中擾民禁之至是太后以秋稼方盛勿令輿坊罷人衛士先往庶免害稼極

民救禁止之

明太祖洪武八年四月幸中都

帝謂羣臣曰每詢儒者皆言有天下者非都中原不能控制朕心不忘洪武

初年定中原朕卽至汴意在建都以安天下及觀生民凋弊轉輸維艱恐益勞民遂命羣臣會議皆曰潒地古之鍾離於此建都庶合古今之宜以此更郡名爲鳳陽府立都城土木之役實勞民力功將告成惟止帝后土